



REGIONI AUTONOMA DI LA SARDIGNA
REGIONE AUTÒNOMA DE SARDIGNA
REGIONE AUTONOMA DELLA SARDEGNA



Citai di
Tarranóa



LU SÒLI E

LU 'ENTU DI TRAMUNTANA

-ESOPO



Una dí, lu sóli e lu 'entu di
tramuntana dizzidísini di briassi.

"Socu piú folti di te!" dicia
lu 'entu a lu sóli.

"Pa' nudda!" rispundia l'altu.

E cussí s'acculdésini pa'
scuntrassi in una próa di folza.



Vidísini un omu caminendi in una
sèmita. Lu 'entu disi: "Lu primma
di li dui chi résci a spuddà
chidd'omu sarà lu piú folti".
E lu sóli accittési.

Lu 'entu di tramuntana cumincési
a suffià contra a chiddu
bon'omu cun tutti li folzi sói,
pinsendi chi in chissa manéra
pudía riscí a bucanilli li 'istiri
da dossu.



Ma l'omu, intindendi lu fritu di lu 'entu, ni
buchési a fóra da la tasca un mantéddu
pa' carraggjassi. Lu 'entu, buliatu, suffiési
ancóra piú folti, e cussí chiddu bon'omu si
carraggjési ancóra di piú cu' una scelpa e
un cappéddu.





Da chi' a un pocu, tucchési a lu sóli,
chi cumincési a bucà capu e a scaldí
la tarra. Chiddu bon'omu, pa' lu
caldu, si buchési la scelpa, lu
cappéddu e lu mantéddu. Lu sóli fési
criscí li rai sói, finza a candu no
divintésini sempri piú budditi.

L'omu, arriatu ill'azza di lu riu, no
aggantési piú lu caldu, si spuddési
e si ci 'mbulési a móddu.



Pruggjettu finanziatu da la Riggjoni Autònoma di Saldigna cu' lu bandu TuLiS, - annualitai 2024 -
leggi nr. 482/1999 e leggi riggjunali nr. 22/20



REGIONI AUTONOMA DI LA SالدIGNA
REGIONE AUTÓNOMA DE SARDIGNA
REGIONE AUTONOMA DELLA SARDEGNA



Lu cunvincí a fà be',
résci a aé piú folza di
lu fà mali.

